

## 2 YOHANE

### Yohane Kukū Nyɔɔfa

<sup>1</sup> Ami, bafūbanute ɔnɔɔfo, nikokpana kukū ko mmle nkyesee afo ɔsanko wo di Yaa lediki ni ku babi lefo. Mbombɔ ye di nwaako ɔlaa nwu nkpo kame. Diele lete nii kafɔɔ nimbombɔ ye, kafɔɔ ku mba ninye ni nwaako ɔlaa nwu nkpo.

<sup>2</sup> Mumbombɔ ye diekye nwaako ɔlaa nwu nkpo nsi wo kaame, kubasie wo kaame kafɔɔ dinaa ni kaloo.

<sup>3</sup> Sibuale, nyaami onya ku atoko ɔkye ole wo niekye ni Teete Yaa loo nfū ku Obi nɔɔ Yesu Kristo nfū, disieko awo ba ninye ni nwaako ɔlaa nwu nkpo busi ni ku lebombɔ.

*Bitikanko Kristo Asaa Otuo Nkpaamaa Ku Lebombɔ.*

<sup>4</sup> Obe wo lanyaa babi lefo bawo ntikanko ni nwaako ɔlaa nwu nkpo fe mmle okle di Teete lekpee wo ni kufiofa, suoto late siayɔɔ mi.

<sup>5</sup> ɔsanko bombote, nunua kotikiti fo lekoto nle ta bamuu loo bubombɔ bawo. Diele kufiofa fole kokpana nkyesee fo, kafɔɔ kule nko buafū buakyeke ni bia kasɔ kakyeko. <sup>6</sup> Lebombɔ le suoto kokakate ni ninle ale nkpa osie di Yaa kufiofa ko eekpee wo ni kanya. Fe mmle okle bianu ni kaasɔ kakyeko, kufiofa nɔɔ ninle ale, biasie nkpa lebombɔ kame.

<sup>7</sup> Basaatuote balaate kpinwu ntoodie bookyi kayi ka mmle mankyɔnkyɔ batii. Boobue ale Yesu Kristo ditawa kayi ka mmle fe otii. Otii nwu

nkpo okle nle kyonkyote ku Kristo lo. <sup>8</sup> Nkpo oso bilolaa binyu nwaa ale okpe lee dilaabla kasakasa, mmle okle biafũ ni letota lee le niewo ni nimu.

<sup>9</sup> Otii lele ninamufũ Kristo asaa otuo nwu nkpo aklee yi, ni aaye Yaa. Kafoo olele niemufũ asaa otuo nwo nwu nkpo eekle yi, ni Teete nwu nkpo ku Obi nkpe nwo. <sup>10</sup> Nioso nse otii owo lewa okye lee, anan-yo asaatio ya mmle awako yi, bitanfũ nwo leeyo lee. Bitantuna nwo bia lesesa. <sup>11</sup> Diekye olele niefũ otii nwu nkpo okle ntobla onwii di asaakuu nwo nwu nkpo obla kame.

*Yohanes Olaa Yentele.*

<sup>12</sup> Nkpe selaa kpinwu katoko ye nii, kafoo noomie nle nkpana si kuuku kame nkyesee ye. Nioso komie osuku nle kowa okye lee munkakate anu ku anu ale suoto kayoo bamuu loo ninwo nimu.

<sup>13</sup> Obilee sankobi wo kafoo di Yaa lediki ni babi ale bosesa fo biene biene.

## **Yaa Kanya Ninii Fole Sɛlɛɛ**

### **Selee: Yaa Kanya Ninii Fole Sɛlɛɛ New Testament**

copyright © 2008 Wycliffe Bible Translators, Inc.

Language: (Selee)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6